


Årsmelding for Ålhus sokneråd 2021



Ålhus sokneråd frå oktober 2019 – oktober 2023

Medlemer:

Marta Fimreite
Reidun Gravdal Nedrebø
Nina Årset Solheim
Ellinor Østenstad
Merete Oline Helgheim
Aud Anny Tveit Solheimsnes
Sokneprest: Silje Sørebo. Vikar Reidar Knapstad

Varamedlemer:

Irene Muren Knapstad
Arvid Tveit
Einar Helge Hansen
Laila Kristine A. Støfring
Magne Kristian Kvinge

Leiar :

Marta Fimreite

Nestleiar :

Nina Årset Solheim

Medlemer til Sunnfjord
kyrkjelege fellesråd:

Merete Oline Helgheim. Ålhus sokn,
vara: Marta Fimreite
Astrid Aa.Feldt. Helgheim sokn
vara: Hildegunn Huus
Arvid Tveit frå soknerådet
Sverre Gjesdal frå kyrkjelyden

Vassenden kyrkjesenter

RÅDET SITT ARBEID

I 2021 har Ålhus sokneråd handsama 24 protokollførde saker. I tillegg 47 saker i felles soknerådsmøte, Ålhus - og Helgheim sokn. Begge sokna ser positivt på å ha fellesmøte.

Av saker i 2021 nemner vi:

- Fasteaksjon, digitalt, Kirkens Nødhjelp
- Plan for smittevern
- Gudstenesteplan
- Gravplass og klokketårn på Vassenden
- Høyring kyrkjeleg organisering
- Plan for konfirmantarbeid og trusopplæring
- Fordeling av oppgåver
- Val av ny soknerådsleiar
- Arbeid med omgjerung av Vassenden kyrkjesenter frå stifting til foreining.

Faste saker kvart år: årsmelding, rekneskap, møte- og gudstenesteplaner, budsjett, offertildeling, fasteaksjon, 50- årskonfirmantjubileum, søknader om støtte, løyvingar m.m.

Årsmøte i 2021 var i Ålhus kyrkje. Eksemplar vart lagt ut i begge kyrkjene og i tillegg digitalt.

ARBEIDET I SOKNET

Sokneprest Silje Sørebo hadde før ho gjekk ut i permisjon, lagt det svært godt til rette for vikar Reidar Knapstad og andre medarbeidarar med oversyn av gjeldande ordningar for ulike gudstenester og forbøner. I tillegg til årshjulet, fekk både stab og sokneråd ei eiga hugseliste med informasjon om kontaktpersonar og ansvarsfordeling ved planlegging av gudstenestene gjennom heile året. Kyrkjelydssekretæren hjelpte til med å finne fram til malar, lage og kopiere programark, når det var bruk for det ved særskilde gudsteneste. Soknerådsleiar sende i god tid ut liste over kyrkjevertar. I periodar med registrering av frammøte sytte soknerådet for at det var fleire kyrkjevertar. Alt dette var til god hjelp i arbeidet med gudstenestene og gav ei oppleving av at vi feira gudsteneste saman.

Gudstenester og tidebøner

2021 har vore eit annleis år også med tanke på gudstenester.

Etter å ha gjennomført jula 2020 med påmelding og maks 50 deltakarar vart det ny nedstenging frå 4.-18. januar. Deretter vart det opna igjen med strenge antallsbegrensninger. Vi hadde då fleire utandørs gudstenester i fint, kaldt og klart vinterver. Det har vore fleire ekstra små dåpsgudstenestar.

Påska 2021 vart det for andre året på rad med nedstenging. Det vart opa kyrkje på Vassenden kyrkesenter påskeaftan grunna strenge avgrensingar når det gjeld tal deltakarar på arrangement

Konfirmasjonane vart utsette til august og september – felles prosess og avgjerd i Sunnfjord.

Etter påske tok ein til med gudstenester på ny. Frå 26. mai fekk vi maks 200 deltakarar med faste tilviste plasser og min 1 meter avstand. Dette var gjeldande under konfirmasjonane og 25. september vart alle nasjonale restriksjonar avvikla! Ny runde med maks 50 deltakarar frå midten av desember 2021. (14/12 – 2021) Ny runde med påmelding og mange små gudstenester i kyrkjene.

Etter at det vart opna opp att, kunne vi i fyrste omgong berre vere 50 deltakarar på gudstenestene. Dåp kunne då ikkje gjennomførast i fleire av dei vanlege gudstenestene.

Mykje av hausten har vi kunne samle opptil 200 personar i kyrkjene, men i Ålhus kyrkje har størrelsen på kyrkja gjort at kapasiteten er meir avgrensa når ein skal ta omsyn til smittevern og avstand. Dette har gjort at vi ikkje har nytta Ålhus kyrkje til fullt så mange gudstenester som vi pleier. Frå søndag 8. nov var makstalet igjen nede på 50 personar ved gudstenester, noko som gjorde at nokre justeringar måtte til i forhold til gudstenesteplanane for advent og jul.

Til tross for eit uvanleg år har vi fått gjennomført mykje av det vi hadde planlagt i løpet av hausten både av gudstenester og tidebøner. Soknerådsmedlemmene har stilt enda oftare opp som kyrkjevertar ved gudstenester, slik at dei har vore to kvar gong. Dette har gjort at vi har kunna fylgje opp smittevernreglane på ein trygg og god måte. Konfirmantmedhjelparar har også vore til god hjelp her. Kyrkjekaffi har vi hatt i periodar, og då har det vore både soknerådsmedlemmene og konfirmantforeldre som

har stilt opp og sytt for at dette har vore gjort på ein forsvarleg måte med omsyn til smittevern.

Nattverdsgudstenester har det ikkje vore så mange av i løpet av dette året. Smittevern har gjort at det i periodar ikkje har vore tilrådd å feire nattverd.

Klokkarane har ei viktig oppgåve under gudstenesta. Vi er glade for å ha hatt dyktige ungdomsklokkarar, Amalie Birkeland og Stina Kjos Sunde i Ålhus sokn. I tillegg er det også veldig verdifullt at vi har hatt personar som har stilt opp frivillig som klokkarar nokre gonger når det har vore nødvendig. Her har både Marta Fimreite og Gerd Smaadal bidrege.

I dåpsgudstenestene har fadrane delteke aktivt i gudstenestene, m.a. med skriftlesing.

Jølster har også mange gode song- og musikk krefter som har bidrege ved fleire av gudstenestene (sjå kyrkjemusikalsk arbeid).

Utanom nedstenginga har det vore tidebøner kvar tysdag på Vassenden kyrkjesenter kl.11, med ein kort liturgi (gjerne bønner som vert lesne som veksellesing og lesing frå Bibelen) salmesong og orgelmusikk. Har m.a teke for seg Johannesevangeliet ved desse tidebønene. Etter tidebøna har vi hatt kaffi og prat.

Av gudstenester med spesielt inviterte, eller med litt annleis preg, kan nemnast:

- Familiegudstenester i samband med trus opplæringstiltak
- Gudsteneste ved Sandalen grendahus i juni.
- Gudsteneste med presentasjon av 50 års – konfirmantar i Ålhus kyrkje. Soknerådet arrangerte middag for 50 årskonfirmantane etter gudstenesta på Vassenden kyrkjesenter
- Minnegudsteneste på Helgemesse der dei som hadde mista nokon sidan sist helgemesse var inviterte

Av gudstenester grunna koronasituasjonen som har vore gjennomført på ein annleis måte eller kome i tillegg til planen kan det nemnast:

- Eigne dåpsgudstenester
- Presentasjonsgudsteneste på Vassenden kyrkjesenter, felles for dei som skal konfirmerast på Vassenden kyrkjesenter og i Ålhus kyrkje våren 2022.
- Utegudstenestar ved kyrkjetrappa på Vassenden kyrkjesenter i januar og februar grunna korona og antallsbegreninsningar

Anna arbeid/ andre arrangement i regi av soknet

- Fasteaksjon i april vart gjennomført digitalt
- Frå påske til pinse var ein påskevandring utstilt ved Vassenden kyrkjesenter med bibeltekster og kunstbilete. Denne utstillinga kjøpte dei to sokneråda i lag, og vert utstilt i soknet anna kvart år.
- Skulegudstenestene til jul vart diverre avlyst dagen før den skulle gjennomførast.
- Før påske var det 2 samlingar; påskevandring på Vassenden kyrkjesenteret for småskuleklassar.

- Det har vore fleire andakter ved Vassenden omsorgssenter. Bebuarane har uttrykt at dei ynskjer at slike samlingar skal halde fram.
- Verken kyrkjelydstur eller juletreffestar vart gjennomførte dette året pga korona.
- Ålhus sokn gjorde i 2020 avtale med Normisjon om misjonsprosjekt i India. Der støttar vi eit prosjekt som heiter «Steinknusernes rettigheter» som handlar om å betre levevilkår for fattige arbeidere i Steinindustrien og demme opp for dei negative ringverknadane som steinindustrien har på naturen. Vi har hatt to ofringar til dette prosjektet. Avtalen går ut i 2024, då vil soknerådet gjere nytt vedtak om misjonsavtale.
- Ålhus sokn er Grøn kyrkjelyd, men det har diverre vorte brukt mykje papp dette året dei gongane det har vore høve til å ha kyrkjekaffi.
- Ålhus sokn har vennskapskyrkjelyd i Krizlice i Tsjekkia

Arrangement i regi av andre

- Fleire konsertar av ulike kor og orkester, både på Vassenden kyrkjesenter og Ålhus kyrkje

TRUSOPPLÆRING/ BARNE- OG UNGDOMSARBEID

Kontinuerleg arbeid

Torsdagsklubben på Vassenden kyrkjesenter har ikkje vore samla dette året. Medlemmane har fått Søndagsskulebladet levert i postkassane. Barnesong har ikkje hatt øving dette året.

Tidsavgrensa tiltak

Alle born i alderen 0-11 år har fått ein invitasjon til minst eitt trusopplæringstilbod. Dessverre har ikkje alt blitt gjennomført dette året på grunn av korona.

Prestane gjennomførte dåpssamtalar med alle dåpsforeldre.

Alle døypte får dåpslys, dåpsplakat og dåpsforeldra får ei dåpsbok for foreldre som heiter Arvegull. I kyrkja har vi fått eit dåpstre, der vi heng opp ei lita tredue for kvart barn som blir døypt. Dette er ei påminning til kyrkjelyden om å be for barna, og dua vil seinare bli gitt tilbake til barnet.

Det var invitert til babysong på Vassenden kyrkjesenter både på våren og hausten. Oppmøte har vore varierende, men det er alltid nokon som kjem. På våren var dei ei god gruppe som møtte (i snitt i underkant av 10,) medan det var færre på hausten då mange var sjuke og ikkje kunne møte. Kantor i Naustdal, Erlend Os, hadde som ein del av sin jobb å spele på babysong på Vassenden dette året, medan Silje som var i permisjon hjalp til. Solveig Magnhild Lesto har stått for kaffe og mat ved babysong heile året. Ein stor takk til ho som har gjort dette i fleire år.

I slutten av oktober inviterte vi alle 2 og 3 åringar i Jølster til Trygg til natta-gudsteneste i Helgheim kyrkje med drama om Berta og Bestemor og kveldssongar og bønner. 2- åringane fekk utdelt dåpsduene sine i lag med ein bønneplakat med «Eg faldar mine hender små. 3- åringane fekk ein sprelleengel med kveldsbønner på.

Samlingane for fireåringane i Jølster med utdeling av 4-årsbok hadde Helgheim og Ålhus kvar for seg. I Ålhus var laurdagssamling på Vassenden kyrkjesenter og gudsteneste med bokutdeling på søndagen. På søndagen møtte alle dei døypte fireåringane i soknet.

Alle 5-åringane i Jølster vart invitert til hausttakkefest i Ålhus kyrkje der dei fekk utdelt matboksar med «O du som metter liten fugl» og plakater med ulike bordbøner. Grunna korona vart det ikkje grilling og aktivitet ved Kransen 4H i prestegarden etter gudstenesta, men natursti rundt på kyrkjegarden etter gudstenesta og utdeling av ulike frukt og grønnsaker.

Gudstenestene med bokutdeling til 6 åringane hadde Helgheim og Ålhus kvar for seg. Planlagde samlingar i forkant gjekk ut grunna restriksjonar.

6- og 7-åringane fekk i år ikkje innbyding til noko juletreffest, sidan juletreffesten vart avlyst grunna restriksjonar.

Påskesamlingar for 8-åringar. Også i år vart barna invitert til ei samling etter skuletid på Vassenden kyrkjesenter.

Tårnagenthelga for alle 9-åringar i Jølster er stasjonert i Helgheim kyrkje. Tårnet, kyrkjeklokkene og kyrkja sin bursdag er sentralt i opplegget som går over to dagar, laurdag og søndag. Diverre var det grunna smittesituasjonen i år ikkje mogleg å invitere.

Kode B: 10-åringane vart invitert til to kvardagssamlingar på Vassenden kyrkjesenter, og utdeling av «Det nye testamentet. Friluftsgåve» i familiegudsteneste. Det vart ikkje Lys Vaken-leir på Vassenden kyrkjesenter for 10- og 11 åringar. Planen var å overnatte frå laurdag til søndag, og barna skulle delta på gudstenesta på søndag i lag med foreldra.

Oppslutning om konfirmasjon er framleis høg. Konfirmantopplegget for kullet som skulle konfirmerast i 2021 vart dessverre noko amputert på grunn av korona. Nattcup, konfirmantleiren på Alværa misjonssenter vart avlyst. Det vart også samtalegudsteneste og konfirmantfest. Konfirmasjonane vart utsett til august og september. Konfirmantprest Carsten Langeland hadde ansvar for 2021- kullet. Klubbkveldar fekk dei gjennomført.

Silje har vore ansvarleg for det nye konfirmantkullet som tok til hausten 2021. Vikar for soknepresten, Reidar Knapstad, hadde frå hausten 2021 ansvar for å følgje opp konfirmantane som medhjelparar i gudstenestene.

I august (som i dei tre tidlegare åra), veka før skulestart, vart det arrangert introkurs for nye konfirmantar. På dette kurset hadde Silje med seg sommarvikar og prestestudent Knut Noreide. Konfirmantane frå Helgheim og Ålhus var samla på dagtid gjennom fire dagar. Dei var to dagar Vassenden kyrkjesenter, ein dag i Helgheim kyrkje og ein dag var dei på pilegrimsvandring frå Årdalen til Ålhus kyrkje. Den eine dagen då dei var på Vassenden, fekk dei prøve kajakk som var lånt frå campinga. I løpet av hausten var konfirmantane inviterte til fire klubbkvelder på Vassenden kyrkjesenter. På tre av desse kveldane har Daniel Lira Figueredo, programkoordinator for KFUK- KFUM Sogn og Fjordane, vore med som leiar i lag med Silje. Det har vore leigd sal i hallen på Vassenden, slik at dei fleste konfirmantane har vore der på starten av kvelden. Så har dei etterpå gått bort til kyrkjesenteret til ei fellessamling i kyrkja, før ein har avslutta med måltid som foreldre har laga til. I tillegg til klubbkveldane var konfirmantane i november på ei samling i Førde kyrkje i lag med konfirmantane i Gaular og Naustdal. Her møtte dei eit

ungdomsteam («samanteamet») i lag med «farmenpresten» Thor Haavik. Alle konfirmantane var også samla til lysmesse 1. søndag i advent i lag med vikarierande sokneprest Reidar Knapstad og kantor Rune. Elles har konfirmantane vore medhjelparar ved gudstenester. No denne våren 2022 ventar m. a. fasteaksjon og konfirmantleir på Alværa. Kristuskransen og konfirmantbibelen har vore utgangspunkt for dei temaene som har vore tatt opp ved konfirmantsamlingane.

Trusopplæringsutvalet, trusopplærar, soknerådsmedlemmer, prestar, kantor, føresette, besteforeldre og frivillige har teke del i trusopplæringsarbeidet og konfirmantarbeidet. Stor takk til Karen Elise Erikstad som har vore ein dyktig medarbeidar i samband med samlingar i dåpsopplæringa.

Utval

Trusopplæringsutval frå Ålhus sokn: Mari Stubhaug Håland, Reidun Gravdal Nedrebø, Rune Molvik, Silje Sørebo, Ute Lindner.
Kontakt for Kirkens Nødhjelp: Aud Anny Tveit Solheimsnes

Kyrkjemusikalsk arbeid

Til konfirmasjonane i august september var lokale krefter med å sette festpreg på samlingane. I desember var det fleire konsertar i kyrkjene, med tilreisande og lokale aktørar. Den tradisjonelle julekonserten i Helgheim kyrkje vart avlyst.

Anne Turid Taklo, Marianne Hestad, Are Mangersnes og Ingunn Støfring har heva det musikalske med deltaking på blåseinstrument både på konfirmasjonsgudstenestene, julegudstenesta og andre gudstenester. Vassenden skulemusikk v/Gunnar Smaadal skulle vere med Julaftan i Vassenden kyrkjesenter, men grunna korona-restriksjonar vart dette ikkje mogleg.

Sokneråda har delegert ansvaret til kantor og sokneprest om å seie ja og nei til førespurnad om konsert i dei ulike kyrkjene i Jølster.

I oktober var det samling i Ålhus kyrkje. Samlinga fekk namnet «Frå skulesalmeboka si tid». Her var Magnus Hope og Gunnar Smaadal med på Salmodikon, og fekk presentere prosjektet sitt. Dei hadde samspel med kantor på to salmar. Rune hadde og fått med tre andre aktørar. Song av Cathrin Hjelle Søvde frå Førde, og Rakel og Jan-Roger Myklebust på blokkfløyter. Dei var med i solo og samspel og spelte og song til allsongane som var typiske skulesalmar. Programmet var sett saman av ulike tekstar og kommentarar frå personar som hadde opplevd det å pugge salmevers. Vi song også andre songar knytta til skulen for vel 50 år sidan – ei svunnen tid.

Songkveldar har vi ikkje hatt i 2021. Vi vonar at det nye året kan gje oss høve til å samlast og synge gamle og nye salmar igjen

Informasjonsarbeid

Firda tar inn gudtenesteliste kvar helg mot ein symbolsk sum, men her får vi berre inn gudstenestestad og tidspunkt og ikkje noko meir om kva gudstenesta inneheld og heller ikkje anna aktivitet i kyrkjene. Dette gjer at vi må bruke andre kanalar for å nå ut til folk med kva som skjer i kyrkjene enda meir aktivt. Hyrdringrøysta vil framleis vere ein viktig kanal, i lag med plakatar, nettside og facebookside. Sekretær Toril sørgjer for at nettsida (kyrkja.no/jolster) og facebooksida (kyrkjene i jolster) stadig er oppdatert om kommande arrangement, men det er også viktig at soknerådsmedlemmer og andre i kyrkjelydane er med å gjere arrangementa kjent og dele på facebook og andre aktuelle informasjonskanalar.

Hyrdringrøysta

Redaksjon: Hallstein Dvergsdal, Hildegunn Huus og Bjørg Dvergsdal. Soknerådet vil takke alle tre for godt utført arbeid. De gjer ein kjempejobb med å tenkja ut stoff, få villige personar til både å skrive og delta med ulike innslag.

Sunnfjord kyrkjelege fellesråd har teke over rekneskapen til Hyrdringrøysta.

Økonomien i bladet er bra. Framleis er det få i høve til kor mange som får bladet, som betalar frivillig kontingent. Det har vore til god hjelp at mange har vore villige til å køyre rundt i grendene og leggja bladet i postkassane. Har på den måten spart utgifter til porto. Dette tiltaket er med å sikra økonomien til bladet. Tusen takk til dykk for denne viktige dugnaden.

Vassenden kyrkjesenter

Huset er svært praktisk både for barn, ungdom og vaksne til dei ulike aktivitetane i kyrkjelyden. Og er såleis ein viktig møteplass

Vassenden kyrkjesenter som stifting vart avvikla 31. des 2021. Gjekk då over frå stifting til foreining.

Statistikk

Ålhus sokn	2021	2020	2019	2018	2017	2016
Innmelde i kyrkja	1	0	1	1	0	2
Utmelde av kyrkja	1	2	6	4	2	18
Døypte	22	9	20	14	18	13
Døypte heimehøyrande i soknet	20	8	11	10	16	10
Vigde	3	2	2	4	3	5
Gravlagde	16	9	9	14	12	15
Konfirmerte	22	29	22	23	16	22
Tal gudstenester søn- og helgedagar	30	28	33	30	30	31
Tal gudstenester utanom søn-og helgedagar *	46	42				
Deltakarar på gudstenester	1996	2221	3545	2702	2498	2490
Gudstenester med nattverd	6	8	20	16	17	24
Nattverdsgjester	97	242	509	340	380	505
Familiegudstenester	5	5	7	6	4	7
Deltakarar	262	285	610	528	443	690
Julevandring for barnehagane	0	1	1	1	1	1
Deltakarar	0	50	50	50	75	72
Skulegudsteneste	0	1	1	1	1	1
Deltakarar	0	300	320	300	330	250
Musikkgudstenester	3	6	5	6	3	
Deltakarar	170	280	256	180	130	
Soknebod	0	1				1
Offer / kollekt i kyrkja	45385	31368	83827	70558	78824	79507

*Vi har tidebøner i kyrkja stort sett kvar veke, derfor vert antall gudstenester utanom søn-og helgedagar høgt

Bygg og Anlegg

Helge Årdal har hovudansvar for slått og stell av kyrkjegardane, med seg han har han hatt dyktige sommarhjelparar.

Han har og utført mykje godt ryddearbeid rundt kyrkja og på kyrkjegardane.

Kjekt å sjå velstelte kyrkjegardar. Det vert lagt merke til og vi får mange positive tilbakemeldingar.

Tilsette

Grunna kommunesamanslåinga vart Ålhus og Helgheim sokn frå 1. januar 2020 ein del av Sunnfjord kyrkjelege fellesråd. Dette har ført til at mange av dei fellesrådstilsette har fått endringar i arbeidsoppgåvene sine og må i større grad ta oppdrag i heile den nye kommunen. Her merkar vi at det ikkje er så lenge sidan samanslåinga og at det framleis er ein del arbeid att med å forme den nye organisasjonen, og det står att å lage stillingsinstruksar.

Tilsette:

Silje Sørø, sokneprest, har hatt morspermisjon frå januar og ut året. Reidar Knapstad fast vikar for henne frå januar 2021 og ut året. Ulike vikarar har hjelp til: Carsten Langeland, Geir Sørø, Runar Matsui – Li, Knut Nordeide og Kåre Fauske .

Inger Hageberg Øvrebø	Kyrkjeverje
Helge Årdal	Driftsjef/kyrkjetenar
Rune Molvik	Kantor
Ute Lindner	Trusopplæringsleiar
Toril Øye	Sekretær
Aman Beyene	Kyrkjjetenar
Amalie Birkeland	Klokkar til ca 1.august
Stina Kjos Sunde	Klokkar frå ca 1.august
Karen Elise Erikstad	Innleigd i trusopplæringa på timebasis
Helge Torpe	Vikar driftsjef/kyrkjetenar

Rekneskap Ålhus sokn 2021

Driftsrekneskap Ålhus sokn

	Rekneskap 2021	Budsjett 2021	Rekneskap 2020
ALLE	0	0	0
300 Ålhus sokn	0	0	0
04400 Anna kyrkjeleg verksemd	-9 753	-11 000	41 170
Utgifter	184 575	98 486	104 800
31100 Forbruksmateriell/utstyr og te...	70	0	0
31200 Anna forbruksmateriell/råvarer...	1 744	5 000	2 095
31201 Kjøp av matvarer	885	0	310
31302 Porto	0	0	187
31303 Banktenester, gebyr	668	0	217
31400 Annonsar, reklame, informasjo...	0	0	1 978
31950 Avgifter, gebyr, lisensar ol	0	0	677
33400 Refusjon til fellesråd	0	7 000	5 950
34650 Overføring av ofringar/innsaml...	19 522	20 000	10 626
34651 Misjonsprosjekt	6 748	5 000	10 247
34700 Tilskot/gåver til andre	0	0	250
35400 Avsetnader til ubundne fond	63 986	0	0
35500 Avsetnader til bundne fond	72 649	61 486	8 277
35800 Rekneskapsmessig mindreforb...	18 305	0	63 986
Inntekter	-194 328	-109 486	-63 629
36100 Betaling frå deltakarar	0	0	-2 000
36200 Sal av varer og tenester, gebyr...	-148	0	-99
38400 Tilskot frå fellesråd	-77 649	0	0
38600 Offer/innsamla til eiga verkse...	-26 276	-20 000	-24 030
38650 Offer/innsamla til anna verkse...	-19 522	-20 000	-10 626
38651 Misjonsprosjekt	-6 748	-5 000	-10 247
38700 Tilskot/gåver frå andre	0	0	-6 285
39009 Renteinntekter	0	-500	-2 066
39300 Bruk av tidl. års rekneskaps m...	-63 986	-63 986	-2 977
39500 Bruk av bundne fond	0	0	-5 300
04430 Konfirmantarbeid	9 753	0	-49 827
Utgifter	29 553	30 000	20 623
31100 Forbruksmateriell/utstyr og te...	0	0	1 406
31200 Anna forbruksmateriell/råvarer...	6 750	10 000	8 660
31201 Kjøp av matvarer	11 763	5 000	3 958
31204 Tilstelningar	10 640	15 000	0
31900 Leige av lokale og grunn	400	0	0
31950 Avgifter, gebyr, lisensar ol	0	0	1 000
32700 Kjøp av tenester, konsulentten...	0	0	5 600
Inntekter	-19 800	-30 000	-70 450
36100 Betaling frå deltakarar	0	-20 500	-56 100
37401 Refusjon frå fellesråd	0	-9 500	-9 100
37501 Refusjon frå sokneråd	0	0	-5 250
38400 Tilskot frå fellesråd	-19 800	0	0

04432 Trusopplæring	0	11 000	8 656
Utgifter	121 949	12 000	12 491
31002 Litteratur/tidsskrift/notemateri...	15 682	0	6 651
31100 Forbruksmateriell/utstyr og te...	0	0	5 066
31200 Anna forbruksmateriell/råvarer...	14 428	10 000	0
31201 Kjøp av matvarer	2 582	2 000	774
35500 Avsetnader til bundne fond	89 258	0	0
Inntekter	-121 949	-1 000	-3 835
36100 Betaling frå deltakarar	-536	-1 000	-835
37501 Refusjon frå sokneråd	-3 795	0	-3 000
38400 Tilskot frå fellesråd	-117 618	0	0
400 Hyrdingreysta	0	0	0
04479 Kyrkjelydsblad	0	0	0
Utgifter	115 776	125 000	122 174
31100 Forbruksmateriell/utstyr og te...	0	0	1 386
31302 Porto	9 204	10 000	10 647
31303 Banktenester, gebyr	0	0	2
32700 Kjøp av tenester, konsulentten...	59 125	50 000	76 050
33400 Refusjon til fellesråd	33 682	34 000	33 589
33700 Refusjon til andre	0	0	500
35500 Avsetnader til bundne fond	13 765	31 000	0
Inntekter	-115 776	-125 000	-122 174
36100 Betaling frå deltakarar	-89 400	-100 000	-93 490
36200 Sal av varer og tenester, gebyr...	-16 800	-25 000	-17 800
38400 Tilskot frå fellesråd	-6 000	0	0
38700 Tilskot/gåver frå andre	-3 576	0	0
39009 Renteinntekter	0	0	-13
39500 Bruk av bundne fond	0	0	-10 871

Balanse Ålhus sokn

	31.12.2021	31.12.2020
ALLE	0	0
510320000 Bankkonto folio	100 087	94 117
Uten spes	100 087	94 117
510320020 Bankkonti	230 851	141 701
1010 3703 30 09225 Hyrdingreysta	230 851	141 701
513080009 Periodisering inng. faktur...	2 568	95 270
Uten spes	2 568	95 270
532080600 Midlertidige posteringar	50 939	4 537
Uten spes	50 939	4 537
532200003 Leverandørgjeld	103 994	-41 163
Uten spes	103 994	-41 163
551080700 Bundne driftsfond	-258 417	-230 476
7030 Fond Ålhus sokneråd	0	-147 731
7032 Fond barn og ungdom	-48 649	0
7033 Aktivitetsfond Ålhus sokn	-24 000	0
7034 Fond trusopplæring	-89 258	0
7040 Fond Hyrdingreysta	-96 510	-82 745
556080700 Disposisjonsfond	-211 717	0
7500 Disp. fond Ålhus sokn	-211 717	0
559500800 Rekneskapsmessig mindr...	-18 305	-63 986
Uten spes	-18 305	-63 986

Rekneskap 2021 – Ålhus sokn

Rekneskapen er gjort opp med eit mindreforbruk/overskot på kr 18.304,65, og soknerådet har vedteke å overføra dette til soknet sitt disposisjonsfond.

Konfirmantarbeidet

Utgifter og inntekter knytt til konfirmantarbeidet i Jølster vert ført samla i rekneskapen til Ålhus sokn. Fellesrådet gjev eit tilskot på kr 550 pr. konfirmant til dekning av dei utgiftene som er fellesrådet sitt ansvar. Konfirmantane skal betala deltakaravgift som skal dekkja resten av utgiftene. Det vert normalt sendt ut faktura om hausten, men dette vart ikkje gjort i haust, og det er difor ikkje slike inntekter i rekneskapen for 2021. På grunn av dette er konfirmantrekneskapen gjort opp med eit underskot på kr 9.753, men dette vil bli avrekna i 2022 når innbetalingane frå konfirmantane er innkomne.

Trusopplæringa

Sokna i Jølster har fått overført kr 117.618 frå fellesrådet til trusopplæringa, dette er inntektsført i rekneskapen til Ålhus sokn. Summen er fellesrådet sitt overskot på trusopplæringstilskotet frå bispedømet; grunnen til overskotet er at trusopplæraren har vore sjukmeld. Det som er rekneskapsført under trusopplæring i Ålhus og Helgheim sokn er avrekna mot tilskotet frå fellesrådet, slik at rekneskapane knytt til trusopplæring går i null i begge sokna. Resten av tilskotet frå fellesrådet, dvs. kr 89.258, er sett av til fond som kan brukast til trusopplæring seinare år. Det er mogeleg at det kan bli reduksjon i trusopplæringstilskotet frå bispedømet for 2022 p.g.a. at ikkje heile tilskotet for 2021 vart brukt, men dette er førebels uvisst – det vert søkt om å unngå slik reduksjon.

Kyrkjelydsbladet

Rekneskapen for dette ligg også hos Ålhus sokn. Bladet hadde eit overskot på kr 13.765, inkludert eit tilskot frå fellesrådet til drifta på kr 6.000. Overskotet er sett av til eige fond.

Fondsmidlar overført frå fellesrådet

Sokna har fått overført ein del fondsmidlar som har stått i rekneskapen til fellesrådet tidlegare, kr 48.649 til kvart sokn. Pengane kjem frå aktivitetar/tiltak ein tidlegare har hatt i Jølster, men som no er avslutta: Jølster Ten Sing, Jølster barnegospel og Tentreff. Summen er sett av til fond for barn og ungdom.

Tilskot til aktivitetar

Sokna har fått tilskot frå fellesrådet til aktivitetar; kr 24.000 til Ålhus og kr 21.000 til Helgheim. Ettersom pengane ikkje vart brukt i 2021, er dei sett av til fond. Det same gjeld kr 20.000 som ein har fått i tilskot frå Opplysningsvesenets fond til kultur-/ litteraturarrangement; dette ligg i rekneskapen til Helgheim sokn.

Avvik mellom budsjett og rekneskap

Under *04400 Anna kyrkjeleg verksemd* er dei største avvika knytt til dei tilskota/overføringane frå fellesrådet som er nemnt ovanfor; desse var ikkje lagt inn i budsjettet.

Når det gjeld *04430 Konfirmantarbeid* er det nokre avvik som har samanheng med at alt no er samla i rekneskapen til Ålhus sokn, medan det var fordelt på sokna i budsjettet, og elles at det som nemnt ikkje er sendt fakturaer til konfirmantane i 2021. Det er også nokre aktivitetar som ikkje er gjennomført. Under *04432 Trusopplæring* er det avvik pga. at overføringa frå fellesrådet ikkje var lagt inn i budsjettet, og elles er det kjøpt inn ein del meir bøker og anna materiell enn budsjettet.

Under *04479 Kyrkjelydsblad* er det kome inn ein del mindre av både bladpengar og annonseinntekter enn det som låg i budsjettet.

SLUTTORD

Gudstenestene er det sentrale arbeidet i kyrkjelyden. Vi set pris på frammøtet i kyrkja, både dei som kjem ofte til gudsteneste og dei som kjem sjeldnare.

Tek med nokre utfordringar biskopen gav oss som er aktuelle utfordringar kvart år.

- Gå til gudsteneste regelmessig, fordi det er der de høyrer til, fordi de treng å høyra evangeliet sagt til dykk, og for å gje Gud ære!
- Styrk og hald oppe det trusopplæringsarbeidet de no har.
- Forkynn fram gjevargleda!

Ålhus sokneråd vil takke alle som har arbeidd i soknet dette året, både dei tilsette og dei som legg ned eit stort frivillig arbeid. Ei stor takk og til dei som har gitt pengegåver til kyrkjelege formål.

For Ålhus sokneråd

Marta Fimreite

